

Saksprotokoll i utval for kultur, idrett og regional utvikling - 08.11.2016

Sigbjørn Framnes (Frp) stilte spørsmål om han var ugild fordi han er styremedlem i styret for Sunnhordland museum. **Kari Foseid Aakre (A)** stilte spørsmål om ho var ugild fordi ho er nestleiar i styret for Museumssenteret i Hordaland. Framnes og Aakre gjekk frå under vurderinga av spørsmålet om dei var ugilde.

Utval for kultur, idrett og regional utvikling vedtok samrøystes at dei ikkje var ugilde etter forvaltningslova § 6, 1. og 2. ledd.

Sigbjørn Framnes og Kari Foseid Aakre tiltredde saksbehandlinga.

Beate Husa (KrF) sette fram slikt forslag:

«Tillegg punkt 2:

Utval for kultur, idrett og regional utvikling vil særleg peike på viktigheita av ei grundig kvalitetssikring knytt til behovet for areal.

Tillegg punkt 3:

Utval for kultur, idrett og regional utvikling ber om løypemeldingar undervegs.»

Røysting

Fylkesrådmannen sitt forslag punkt 1 vart samrøystes vedteke.

Fylkesrådmannen sitt forslag punkt 2 med Husa sitt forslag vart samrøystes vedteke mot ingen røyster for fylkesrådmannen sitt forslag.

Fylkesrådmannen sitt forslag punkt 3 med Husa sitt forslag vart samrøystes vedteke mot ingen røyster for fylkesrådmannen sitt forslag.

Vedtak

1. Utval for kultur, idrett og regional utvikling ser at eit nytt fellesmagasin vil vere eit stort og viktig løft for stat, fylkeskommune, kommunar og museum, og at det innleiande arbeidet til arbeidsgruppa for nytt fellesmagasin på ein god måte har synleggjort musea sine arealbehov, tilstanden på eksisterande lokale magasin og alternativ for nytt magasinbygg (nytt lavenergibygge, ombygging av eksisterande næringsbygg og fjellhall).
2. Utval for kultur, idrett og regional utvikling viser til dei utfordringane som vert løfta fram i denne saka om nytt fellesmagasin i Hordaland, og ser at det er viktig at desse vert drøfta inngåande som del av den vidare prosessen. Utval for kultur, idrett og regional utvikling vil særleg peike på viktigheita av ei grundig kvalitetssikring knytt til behovet for areal.
3. Ei utgreiing med dei utfordringane som vert peikt på her, bør ligge klar til politisk handsaming før jul 2017. Utval for kultur, idrett og regional utvikling ber om løypemeldingar undervegs.